

神樂觀道士

咏菊花

示僧謙牧

征陳至瀟湘

不惹庵示僧

咏虹霓

采石磯新秋月色 賦劉伯溫

高皇帝御製文集目錄

終

高皇帝御製文集卷第一

司務

臣馬子官

崇禮尚書

臣韓擢

臣徐夢麟

事臣駱日升

祠祭司郎中

臣汪治

事臣劉元珍

金正

南京禮部員外郎

臣楊亮

太子賓客司郎中

臣余文煥

精膳司郎中

臣楊洵

詔

即位詔

洪武元年正月

朕惟中國之君自宋運既終

天命真人於沙漠入中國爲天下主傳及子孫
百有餘年今運亦終海內土疆豪傑分爭朕本
淮右庶民荷

上天眷顧

祖宗之靈遂乘逐鹿之秋致英賢於左右凡兩
淮兩浙江東江西湖湘漢汚閩廣山東及西南
諸部蠻夷各處寇攘屢命大將軍與諸將校奮
揚威武已皆戡定民安田里今文武大臣百司
衆庶合辭勸進尊朕爲皇帝以主黔黎勉循輿
情於吳二年正月初四日告祭天地於鍾山之
陽即皇帝位于南郊定有天下之號曰大明以
吳二年爲洪武元年是日恭詣

太廟追尊四代考妣爲皇帝皇后立

太社太稷於京師布告天下咸使聞知

農桑學校詔

求言詔

朕本寒微因元多事試與群雄並驅十有七年
艱難萬狀方得偃兵息民稱尊海內紀年洪武
己九春秋矣邇來欽天監報五星紊度日月相
刑於是靜居日省皆古今乾道變化殃咎在乎
人君尋思至此惶惶無措手足惟詔告臣民許
言朕過於戲於斯之道惟忠者仁人之心能鑑
朕之不德假公營私者又非賢人君子

諭暹國詔

君國子民非

上天之明命

后土之洪恩曷能若是華夷雖間樂天之樂率
土皆然若爲人上能體

上帝好生之德協和人

神則祿給世世無間矣爾哆囉祿自嗣王位以
來內修齊家之道外造睦隣之方况數遣使中

高皇帝御製文集卷第四

高皇帝御製文集卷第五

書

與元幼主書

皇帝特問元幼主曰自伊父子北往至今每有人來皆稱流離無寧衣食艱辛未知是否誠如是當較之於知命者方乃可全不然東趨戰而西殃民喪已成之士馬圖不可得之資非善保者果若不信昔者彼居和寧朕發六軍捲甲趨

三千里之戰果曾獲利乎以此觀之當爲已戒而自存可也朕與彼本爲勍敵何以書教之莫不似乎有詐不然古人得天下豈盡滅人祀決不如是所以繼絕世舉廢國是也曩因彼先皇知天命而北往遂得善終且中國實漢朝之故地胡本不可久居今我朝炎運方興之時若違天命而來犯恐自就囚也即日買的里八刺非昔日買的里八刺近二年以來語言自能發潛

民間見爲牧童彼若來取即當發還誠不有謬今遣使特問至當審之

與元臣禿魯書

大明皇帝記問元臣禿魯曰上古君天下及名世者至今歷數興亡又非止一人前者元失其馭羣盜暴作爾元君昏臣權終不能定朕乃平之以致更元社稷興治黔黎今已七年中國頗安且曩者兵戍北塞遺將安邊不期耿指揮好

四代爲帝墳稱

皇陵以報劬勞此歷代必然之理其設官尤重
所以重者保山陵奉香火也於此之職朕猶未
官今汪劉姓者見勤農於鄉里其人尚未立名特
賜之以名曰文英勅授從仕郎署令衛護
皇陵於戲古者帝王以六行教人爾善其一尚
逢如是况備行者乎爾文英可謹遵朕命以傳永
久以勵後人宜令准此

命功臣祀嶽鎮海瀆勅

朕聞天生民而立君君爲民而立命所以謹百
神之祀乃國之先務也朕與卿等當羣雄角逐
之時戰勝攻取非

上天

后土之眷命

嶽鎮海瀆之效靈安能如是今者新秋在邇
嶽鎮海瀆之祀理當報謝古者君狩方隅詣祠

祭朕爲新造邦基民生方始未獲親往特命卿等代朕以行奉犧牲祝帛於神所故茲敕諭汝往欽哉

諭晉王勅

可前者命爾之國聞道中忽責操餚者吾甚驚之且吾氣雄而志壯率羣平禍亂未曾姑息凡人有犯輕重必使各得其所以然惟操餚者小過釋之大過詳審而議之若非犯分則又赦之果犯分則罪而棄之弗用若罪而復用之則禍矣蓋爲保命之也故不輕易爾知吾操餚者否止一徐興祖者操吾餚二十有三年輕易不辱之吾早昔甚不忍于事於操餚切記忍之

王濬乘威焚鎖鍊祖生慷慨扣船舷

高皇帝御製文集卷第十六

高皇帝御製文集卷第十七

祭文

中都告祭天地祝文

曰昔者元政不綱英雄並起民不堪命苦殃不可禁荷蒙

昊天上帝后土皇帝祗憫世民之艱苦授命於臣賜以文武人多良能八年以來除民禍殃臣蒙

上帝后土之恩文武之能非臣善爲當大軍初渡大江之時臣每聽儒言皆曰有天下者非都中原不能控制姦頑旣聽斯言懷之不忘忽爾上帝后土授命於臣自洪武初平定中原臣急至汴梁意在建都以安天下及其至彼民生凋敝水陸轉運艱辛恐勞民之至甚遂議群臣人皆曰古鍾離可因此兩更郡名今爲鳳陽於此建都土木之工既興役重傷人當該有司疊生

姦弊愈覺尤甚此臣之罪有不可免者然今功將完成戴罪謹告惟

上帝后土鑒之

即位告祭文

維我中國人良之君自宋運告終

帝命真人於沙漠入中國爲天下主其君父子及孫百有餘年今運亦終其天下土地人民豪傑分爭惟臣

饗

祭西嶽華山西鎮吳山文

維神磅礴西土爲是方之嶽鎮古昔帝王必知
神有所司故載在祀典爲民祈福今予統中國
兼撫四夷前者爲刹罕腦兒伯顏密邇中國屢
撫不服告神用討已行絕滅自陝西迤北民無
兵禍之憂但方今河州東南西南吐蕃川藏等
洮州三副使穎素子雖以子入侍於心將欲抗

拒朕心有所不安特告神知命將率兵前行進
討惟神鑒之

祭大河文

維神蜿蜒東注故稱大河古昔帝王

餘文並與
西嶽同

遣功臣等祭五嶽四鎮四海四瀆文

荷

上天

后土之眷命蒙

神之效靈以致平群雄息禍亂君主黔黎於華
夏統控蠻夷於今十年中國康寧然於
神之祀若以上古之君言之則君爲民而禱載
有春祈秋報之禮於斯之祀有望

神而祭者有狩於所在而燎瘞者今予自建國
以來十年于茲國爲新造民爲初安是不得親
臨所在而祀

神也特遣開國功臣某道士某以知予行奉犧

牲祝帛於祠下以報效靈自今以後歲以仲秋

詣詞致祭惟

神鑒之尚饗

遣功臣等祭北鎮醫無間山文

荷

上天

后土之眷命

此下文與五嶽四鎮同

今予自建國以來十

年于茲每望祭

皇考配神伏惟鑒之謹告

祭岷山天女洮水諸神文

神鍾靈秀機莫人知然而福善禍淫以教人聰明正直之爲也朕命將指揮聶綿等率兵守禦是方是方乃神所居之處兵旣臨此就命聶綿等代朕會神以祀神其無私尚饗

祭城隍蔣廟文

朕起寒微荷

上天后土眷顧百神效靈君主中國曩者平強暴息禍亂每賴戰騎以長驅邇來禍亂已平必備多騎以禦侮所以設太僕寺統羣牧監繁馬於郊今年選馬四千有三百上槽俄生疾流傳甚爲朕患且朕立京於是方專陽道而治生民也神靈是方專陰道而察不德也朕有所爲不得不告今馬有疾故告神知神其有知祐我羣牧尚饗

壤之下者亦不能靜居所以

伯考之神冤子孫之靈魄皆陰宅於此因兵爲人所發朕本無知惟傷親言其の方知

伯考於是焉

伯考已絕嗣矣朕本猶子故展微衷特擇地以改葬之選於今日起離舊塋謹遣某齋牲醴以告惟

伯考鑒之尚饗

祭元幼主文

嗚呼生死廢興非一時之偶然乃天地之定數也所以大聖賢者於斯四事若或有一臨之皆不以爲色難蓋謂知天命之必然是所以生順天地之命雖死亦無後恨此所以知天命而不惑也且君之祖宗昔起寒微於沙漠當是時天下巨富而爲民主者兵強地廣又非一人而已皆不能平君寒微之祖以致葺戈整戎彎弧執

矢橫行天下八蠻九夷盡皆歸之此所以天命
也延及君之父子正當垂衣以享承平之福何
期盜生汝頽華夏羣雄以致君之父子號令杳
然終不能平之此人爭歟天道歟朕起寒微托
身縕流朝暮起居不過侷影而已安有三軍六
師以威天下豈料應圖識有天命衆會雲從代
君家而主民曩者君主沙漠朕主中國因君與
群臣固執天命不移特以彼是我非是有鄰邦

之好不修我不敢以使多進邇來聞君長往念
昔有元之孫安忍不弔行人至奠以牲醴惟英
靈不昧尚饗

祭隴西王李貞文

嗚呼哀哉骨肉之親昔者朕居元時生理艱辛
皇考妣甚爲憂戚惟姊孝專心爾能同之故有
資助雖歎不荒然而數年之後

皇考妣長往姊亦棄世但只爾我共生人間忽

龍江祭太歲諸神文

爲出師征
西南夷

上帝好生凡有國者必欽承而效之則民安物阜邇年以來西南諸夷歲爲邊民患斯患也稱自堯舜以至于今化弗循教征弗畏威蓋恃崇山而固險倚林木之深叢跳梁出沒虐良民而傷生今遣江夏侯周德興充征南將軍進取散茅等洞安慶侯仇成充征南副將軍征取容美等洞以及散茅其遣將發兵必欲摧堅撫順以

靜西南兵行特專昭告神其鑒之尚饗

禱雨答京都城隍文

天久不雨時將過矣實予之罪首夏亢陽本欲禱於

上帝

后土慮恐煩聽以致因循至今良民失望皆有憂心予不敢徑達

上帝

後土於今月十一日親告于鍾山之神望神轉達於

上帝

后土惟京都城隍之神先期與報至日祝焉

禱雨有應謝鍾山神祭文

天父不雨蒸民懷憂予將告神而未施乃先城隍必城隍善予所云故告旱之辭未訴神其我知即日大雨時行今來詣山而謝神神正無私

祐我蒸民謹謝

祭漢蔣秣陵尉文

今年仲季夏間

上帝震怒皆朕失奉

天心作爲太過以致朝廷多事軍民弗安既受帝命遑遑無措知無不改然未知

天意曾無回乎俄爾有來告者當

帝怒時神祠亦有干焉朕思神非朕謗朕非謗